

Ohmächtigi Brieder

2007

Basel baut um

Will Basel e nei Wappe finde?
S nei Sujet ligti uf dr Hand
Anstell vom Stab, däa miesst verschwinde
Hätt s Bickel, Schuufle, Absperrband.

Frieh hän mir spezielle Gselle
Uns nei i Gräage bstelle welle.
Doch bis so Gräage griegsch zem Traage,
Do platzt Dir gladd dr Waggisgraage.
E Laade git s am Barfi unde,
Mir geen gradd aane, hän mir gfunde.
Wie gwohnt hän mir dr Säxer gnoo,
Doch het ys däa scho glyy lo stoh.
Me miess ab Haltstell Eglisee
Dr Zwaier bis zur Muba neh.
Dr Bus mit Diesel im Motor
Fahrt dert diräggt zem Spaletoor.
"Zem Barfi?", froggt dr Drämmmler, "yes."
"Y ka jetzt Änglisch. Please, no stress."
Är lehrt ys, mir sin blass vor Nydd.
Statt Barfi haisst s jetzt "Striptease feet",
Är brichtet us der Änglisch-Lehr:
Statt Bangeplatz haisst s "Ospel Square"
Und s fahre die, wo z Muttenz pfluuse,
Nach "Ciba Dräggwäg City" uuse.

Vellicht wird är nie Änglisch schnuure,
Denn Basel muess bes unde duure.
Me kunnt bim ganze EM-Plaane
Vor lutter Panne niene aane.
Au do wird puddlet, baut und grisse,
Ohni nur im Aasatz z wisse,
Was s Ganzi speter setti geh.
Denn d Hauptsach isch e Baustell meh.
Zem Zahle isch ain an dr Hand:
Nai, nid dr Behring, Baselland.

Trotz Drämmli-Wältrais, Änglisch-Stunde
Hän mir dr Barfi nonig gfunde.
Vom "Ospel Square" per Hängebrugg
In d Freie iibere, widder zruugg.
Sin iber Grääbe glädderet
Und hän drnääbe gwätteret.
Die Schiine schyune ys e Saich,
Die sin statt fäder- biirewaich.
Sin groche, glädderet und sicher glande.
Do sin mir vor däm Laade gstande.
Doch d Tiir isch zue, ewägg isch d Frau.
Uf dr Autobahn stoht sii im Stau.
E Baustell do, e Baustell dert.
Jä, Basel baut, s isch unerhert.

Die tyrschti Baustell z Basel stoht
Im Joggeli, e Club in Noot.
Nyd hebt dä Goalie styff und stuur.
Ihm d Hauptsach isch, es hebt d Frisuur.
Denn dr Groos isch ähnlilig aitel.
Är pflägt all Daag sy Hochglanz-Schaitel.
E groossi Baustell blyybt au d Baz.
Und au däa Zeedel

D Ladäärne-Uusstellig uff em Minschterplatz und
d Waage- und Reggwisyte-Uusstellig bi dr Kasäärne
sin vom Määntig znacht bis am Mittwoch demoorge!
Deert und an de 3 Verkaufsständ (CINS) in dr Stadt ka
men au alli Zeedel und Schnitzelbängg, d Blaggedde
und dr Rädäbängg kaufe.